

六 韜
握 奇 經
司馬法（張輯）

太公兵法逸文
司馬法（錢輯）



司

馬

法

司馬鈺撰
錢熙祚輯

中華書局

叢書集成初編

六

輯（及其他四種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之二

統一書號：ISBN7-101-00834-1/K·367

叢書集成初編所選武經七書
平津館叢書二酉堂叢書及指
海皆收有此書武經平津無注
二酉本輯錄世所傳本及他書
所引下有注釋者又輯其不見
於傳本者爲逸文指海本則校
注異文其所輯逸文不如二酉
本之多然亦有爲二酉未輯者
除二酉本另印行外茲據指海
本排印

司馬法卷上

齊 司馬穰苴 撰

仁本

古者以仁爲本，以義治之，之謂正。正不獲意，則權。權出於戰，不出於中人。○御覽二百七十作不出於仁也是故殺人安人，殺之可也，攻其國，愛其民，攻之可也，以戰止戰，雖戰可也。○羣書治要三十三，御覽三百十三，止並作去，御覽此下又有戰春不東，秋不西，月食還師，所以止戰也。疑今本有脫文，但御覽此條引作穰苴兵法，而二百七十引司馬法與今本同。按史記云：齊威王使大夫追論古者司馬兵法，而附穰苴於其中，因號曰司馬穰苴兵法，則雖合爲一書，而猶有區別也。當考。故仁見親，義見說，智見恃，勇見方。信見信，內得愛焉，所以守也；外得威焉，所以戰也。戰道不違時，不歷民病，所以愛吾民也；不加喪，不因凶。○通解三十六，因作困，所以愛夫其民也。○治要無夫字，冬夏不興師，所以兼愛民也。○兼愛下原有其字，依治要及通解刪。宋本作兼愛吾民也，御覽二百七十又作兼愛彼民也，故國雖大，好戰必亡，天下雖安，忘戰必危，天下既平，天子大體，春蒐秋獮，諸侯春振旅，秋治兵，所以不忘戰也。古者遂奔不過百步，縱綏不過三舍。○史記晉世家集解：縱綏作從遜，是以明其禮也。不窮不能，而哀憐傷病，是以明其仁也。成列而鼓，是以明其信也。爭義不爭利，是以明其義也。又能舍服，是以明其勇也。知終知始，是以明其智也。

六德以時合散。以爲民紀者。古之道也。○散原作教。又脫者古二字。並依治要及御覽二百七十補正。自古之政也。先王之治。順天之道。設地之宜。官民之德。而正名治物。立國辨職。以脩分祿。諸侯說懷。海外來服。獄弼而兵寢。聖德之治也。○俗本治作至。今依宋本。與治要及通解合。其次賢王制禮樂法度。乃作五刑。以禁居民僻。○此五字原脫。依御覽六百三十六補。乃與甲兵。以討不義。○此句乃字依御覽補。制瑞節以通使。○此句原脫。依御覽補。巡狩省方。以會諸侯。○此句以字依御覽補。考不同。正禮月正時。歷名文章車服。○此十一字原脫。依御覽補。其有失命。亂常背德。○御覽作比德。逆天之時。而危有功之君。徧告於諸侯。彰明有罪。乃告於皇天上帝。日月星辰。禱於后土。四海神祇。山川家社。乃造於先王。然後冢宰徵師於諸侯。曰。某國爲不道。征之以某年月日。○御覽三百七無年字。又六百三十六引司馬法云。凡敵師於諸侯。征之。不會朝廷聘。則劉廢賁職。擯稱兵相侵削。廢天子之命。則黜改歷史衣服文章。易禮鑿刑。則放。娶同姓。以妾爲妻。則變。太子專罪。大夫擅立。關絕降突。則幽慢神官。哀。奪民之時。重稅。粟。貨。重。則罰。暴虐自佚。宮室過度。官婦過數。則削地損爵。當是此篇缺文。俱御覽所引上文。亦多刪節。不知此文屬於何句之下也。存以俟考。師至于某國會。天子正刑。冢宰與百官布令於軍曰。入罪人之地。無暴神祇。無行田獵。無有暴虐。○此句原脫。依治要補。無毀土功。無燔牆屋。○治要燔作蕘。無伐林木。○治要作樹木。無取六畜。無取禾粟。無取器械。○此三句原作無取六畜禾粟器械。依治要及御覽三百七十補正。見其老幼。率歸勿傷。雖遇壯者。不校勿敵。敵若傷之。○御覽作傷人。醫藥歸之。既誅有罪。王及諸侯修正其國。舉

賢更立明正復職。○原脫更字，復下有厥字，並依治要御覽刪補。王霸之所以治諸侯者。○此句末原有六字，按下文當言人不得言六也，依御覽三百四刪。以土地形諸侯。○御覽形作列，以政令平諸侯，以禮信親諸侯。○御覽親作結，以材力說諸侯，以謀人維諸侯，以兵革服諸侯，同患同利以合諸侯，比小事大以和諸侯，會之所以發禁者九。○所字依御覽補，憑弱犯寡則害之。○御覽憑作凌，害作出，賊賢害民則伐之。○御覽作賊，傷口則伐之，暴內陵外則殍之。○御覽殍作簡，殍作簡，野荒民散則削之，貧而不服則侵之，賊殺其親則正之，放弑其君則殛之，犯令陵政則杜之，外內亂，烏獸行，則滅之。

天子之義

天子之義，必純取法天地，而觀於先聖，士庶之義，必奉於父母，而正於君長，故雖有明君，上不先教，不可用也。古之教民，必立貴賤之倫經。○御覽二百九十七作經綸，使不相陵，德義不相踰，材技不相掩，勇力不相犯，故力同而意和也。○俗本力同作方同，今依宋本與通解三十六合。古者國容不入軍，軍容不入國，故德義不相踰，上貴不伐之士，上之器也，苟不伐則無求，無求則不爭，國中之聽，必得其情，軍旅之聽，必得其宜，故材技不相掩。○御覽二百七十二引此句云：此貴不伐之士也，從命爲士上賞，犯命爲士上戮，故勇力不相犯，既致教其民，然後謹選而使之，事極修則百官給矣，教極省則民興良矣，習貫成則民體俗矣，教化之至也，古者遂奔不遠，縱緩不及，所以示君子且有禮。○此八字原脫，依治要三十三，御覽三百七補，不遠則難誘，不及則難陷，以禮爲固，以仁爲勝，既勝之後，其教可復，是以君子貴之。

也。○御覽是具代是故有虞氏戒於國中欲民體其命也。夏后氏誓於軍中欲民先成其慮也。殷誓於軍門之外欲民先意以待事也。周將交刃而誓之以致民志也。○御覽志作意無民字。夏后氏正其德也。未用兵之力故其兵不難。殷義也。始用兵之力矣。周力也。盡用兵之力矣。夏賞於朝貴善也。殷戮於市威不善也。周賞於朝戮於市勸君子慎小人也。三王彰其德也。兵不難則不利。長兵以衛短兵以守。太長則犯。○犯上取有難字。依御覽三百三十九。御覽又有注云犯者觸柱也。太短則不及。太輕則銳銳則易亂。太重則鈍鈍則不濟。故初列弓戟問焉。次列戈矛問焉。○此二句原脫。依御覽三百五十三。補戎車。夏后氏曰鈞車先正也。殷曰寅車先疾也。周曰元戎先良也。○此六句又見詩小雅六月。傳據孔疏云。夏后氏曰鈞車殷曰寅車周曰元戎。司馬法文也。先疾先其傳四者以解之。俱後人誤以毛傳意入司馬法中。然御覽三百三十四。司馬法已與今同。故夏后氏元首人之禁也。殷自天之義也。周黃地之道也。章夏后氏以日月尚明也。殷以虎尚威也。周以龍尚文也。師多務威則民緇少威則民不勝。上使民不得其義百姓不得其殺技用不得其利牛馬不得其任有司陵之此謂多威多威則民緇上不尊德而任詐慝不尊道而任勇力不貴用命而貴犯命不貴善行而貴暴行陵之有司此謂少威少威則民不勝軍旅以舒爲主舒則民力足雖交兵致刃徒不趨車不馳逐奔不踰列是以不亂軍旅之固不失行列之政不絕人馬之力迅速不過誠命古者國容不入軍軍容不入國。○御覽二百七十。此二句制軍容入國則民德廢。○文選吳郡風注作。國容入軍則民德弱故在國言文而語溫在朝恭以遜修己以待人不召不至不

問不言難進易退。在軍抗而立。在行遂而果。○遼原作遂。今依宋本與通解合。介者不拜。兵車不式。城上不趨。危事不齒。故禮與法表裏也。文與武左右也。古者賢王明民之德。盡民之善。故無廢德。無簡民。賞無所生。罰無所試。○御覽二百七十。作賞無可生。罰無可殺也。治要試作試。亦有也字。有虞氏不賞不罰。而民可用。至德也。夏賞而不罰。至教也。殷罰而不賞。至威也。周以賞罰。德衰也。賞不踰時。欲民速得爲善之利也。罰不遷刻。欲民速覩爲不善之害也。大捷不賞。上下皆不伐善。上苟不伐善。則不驕矣。下苟不伐善。必亡等矣。○御覽三百二十二。作則不差矣。治要。作下登。登字誤。上下不伐善。若此。讓之至也。大敗不誅。上下皆以不善在己。上苟以不善在己。必悔其過。下苟以不善在己。必遠其罪。上下分惡。若此。讓之至也。古者戍兵三年不興。○俗本興作典。今依宋本與諸書所引合。又後漢書馬融傳注。御覽三百二十七。戍兵並作武軍通解。又作戍軍。觀民之勞也。上下相報。若此。和之至也。得意則愜樂愜歌。○原脫樂愜二字。依夏官大司馬注補。與後漢書注合。御覽亦有樂字。示喜也。偃伯靈臺。答民之勞。示休也。○後漢書注。御覽並作告不興也。

司馬法卷中

定爵

凡戰定爵位。著功罪。牧游士。申教詔。訊厥衆。求厥技。方慮極物。愛嫌推疑。養力索巧。因心之動。凡戰固衆。相利治亂進止。服正成恥。約法省罰。小罪乃殺。小罪勝。大罪囚。順天阜財。擇衆利地。右兵。是謂五忠。順天奉時。阜財。因敵。擇衆。勉若利地。守隘險阻。右兵。弓矢。端。○夏官司右注。作圍圍乃圍字之誤。圍與衆同。艾矛。守戈戟助。凡五兵。常長以衛短。○五兵下原有五字。依御覽三百三十九。又三百五十三。刪。又司右注。及御覽三百十三。無當字。短以救長。迭戰則久。皆戰則強。見物與侔。是謂兩之。主固勉若。視敵而舉。將心也。衆心也。馬牛車兵。佚飽力也。教惟豫。戰惟節。將軍身也。卒支也。伍指拇也。凡戰權也。鬪勇也。陳巧也。用其所欲。行其所能。廢其不欲。不能於敵反是。凡戰有天有財有善。時日不遷。龜勝微行。是謂有天。衆有有因生美。是謂有財。人習陳利。極物以豫。是謂有善。人勉及任。是謂樂人。大軍以固。多力以煩。其物簡治。見物應卒。是謂行豫。輕車輕徒。弓矢固禦。是謂大軍。密靜多內力。是謂固陳。因是進退。是謂多力。上暇入教。是謂煩陳。然有以職。是謂堪物。因是辨物。是謂簡治。稱衆因地。因敵。令陳攻戰守進退止前後序車徒。因是謂戰參。不服不信不和。怠疑厭懣。枝柱詘頓。肆崩殺。○俗本頓作填。今依宋本。是謂戰忠。驕驕懣懣。吟嘯虞懼。事愾。是謂毀折。大小堅柔。參伍衆寡。凡兩。是謂戰權。凡戰聞遠觀邇。因時因財。貴信惡疑。作

兵義作事時使人惠見敵靜見亂暇見危難無忘其衆居國惠以信在軍廣以武力上果以敏居國和在軍法刃上察居國見好在軍見方刃上見信凡陳行惟疏戰惟密兵惟難人教厚靜乃治威利章相守義則人勉慮多成則人服時中服厥次治物既章日乃明慮既定心乃強進退無疑見敵無謀聽誅無誑其名無變其旗凡事善則長因古則行誓作章人乃強滅厲祥滅厲之道一曰義被之以信臨之以強成基一天下之形人莫不說是謂兼用其人一曰權成其溢奪其好我自其外使自其內一曰人二曰正三曰辭四曰巧五曰火六曰水七曰兵是謂七政榮利恥死是謂四守容色積威不過改意凡此道也惟仁有親有仁無信反敗厥身人人正辭辭火火凡戰之道既作其氣因發其政假之以色道之以辭因懼而戒因欲而事蹈敵制地以職命之是謂戰法凡人之形由衆之求試以名行必善行之若行不行身以將之若行而行因使勿忘三乃成章人生之宜謂之法凡治亂之道一曰仁二曰信三曰直四曰一五曰義六曰變七曰專立法一曰受二曰法三曰立四曰疾五曰御其服六曰等其色七曰百官宜無淫服凡軍使法在己曰專與下畏法曰法軍無小聽戰無小利日成行微曰道凡戰正不行則事專不服則法不相信則一若怠則勦之若疑則變之若人不信上則行其不復自古之政也

司馬法卷下

嚴位

凡戰之道。位欲嚴。政欲果。力欲窵。氣欲閒。心欲一。凡戰之道。等道義。立卒伍。定行列。正縱橫。察名實。立進俯。坐進跪。畏則密。危則生。遠者視之。則不畏。邇者勿視。則不散。位下左右。下甲坐。警徐行之位。逮徒甲。警以輕重。振馬譟徒甲。畏亦密之。跪坐坐伏。○俗本附。今依宋本。則膝行而寬警之。起譟鼓而進。則以鐸止之。銜枚警。親坐。膝行而推之。執戮禁顧。躁以先之。若畏太甚。則勿戮殺。示以顏色。告之以所生。循省其職。凡三軍人戒分日。○俗本日。今依宋本。後文亦有無過分日之語。人禁不息。不可以分食。方其疑惑。可師可服。凡戰以力久。以氣勝。以固久。以危勝。本心固。新氣勝。以甲固。以兵勝。凡車以密固。徒以坐勝。○原作固。依御覽三百二十二改。兼以重固。以輕勝。○原作甲。以重固。兵以輕勝。依御覽改。御覽又有注云。車步兼也。以重卒持兼。以輕卒攻取。故勝也。民有勇心。○原作人有勝心。依御覽二百七十改。惟敵之視。民有畏心。惟北之視。○原本民作人。北作畏。並依御覽改。兩心交支。○原作定。依御覽改。兩利若一。兩爲之職。惟權之視。○此二字原倒。依御覽乙轉。凡戰以輕行。輕則危。以重行。重則無功。以輕行。重則敗。以重行。輕則戰。凡戰相爲輕重。○此凡字原作故。依御覽改。含謹兵甲行。慎行列。戰謹進止。凡戰。敬則懼。率則服。上繁輕。上腹重。奏鼓輕。舒鼓重。服膚輕。服美重。凡馬車堅。甲兵利。輕乃重。上同無獲。上專多死。上生多疑。上

死不勝。凡民○原作人，依御覽二百七十二改。死愛死，怒死威死，義死利。凡戰之道，教約人輕死，道約人正死。○宋本此二字倒。凡戰若勝若否，若天若人。凡戰三軍之戒，無過三日。一卒之弊，無過分日。一人之禁，無過瞬息。○宋本皆作息。凡大善用本，其次用末，執略守微，本末惟權戰也。凡勝三軍一人勝，凡鼓，鼓旌，鼓車，鼓馬，鼓徒，鼓兵，鼓首，鼓足，七鼓兼齊。凡戰既固，勿重，重進勿盡，凡進危。凡戰非陳之難，使人可陳難，非使人可陳難。○此人字依宋本補。使人可用難，非知之難，行之難。人方有性，性州異，教成俗，俗州異，道化俗。凡衆寡若勝若否，兵不告利，甲不告墜，車不告固，馬不告良，衆不自多，未獲道。凡戰勝則與衆分善，選良先無功者。○此六字原脫，依御覽二百七十二補。若將復戰，則重賞罰。若使不勝，使過在己。○使原作取，依御覽改。復戰則誓已居前，無復先術，勝否勿反。○俗本否作頁，今依宋本是。謂正則，凡民以仁救，以義戰，以智決，以勇鬪，以信專，以利勸，以功勝，故心中仁，行中義，堪物，智也，堪大，勇也，堪久，信也，讓以和人，自治自予，以不循爭，賢以爲人，說其心，効其力。凡戰擊其微靜，避其強靜，擊其倦勞，避其閒窳，擊其大懼，避其小懼，自古之政也。

用衆

凡戰之道，用寡固，用衆治，寡利煩，衆利正，用衆進止，用寡進退，衆以合，寡則遠，裏而闕之，若分而迭擊，寡以待衆，若衆疑之，則自用之，擅利則釋旗迎而反之，敵若衆，則受裏。○則下原有相衆而三字，依御覽三百十八刪。敵若寡若畏，則避之開之，凡戰背風背高，右高左險，歷沛歷圯，兼舍褒貶，凡戰設而觀其作，視

敵而舉。待則循而勿鼓。待衆之作。攻則屯而伺之。凡戰衆寡以觀其變。○御覽二百七十作寬而觀其慮。進退以觀其固。危而觀其懼。靜而觀其怠。動而觀其疑。襲而觀其治。因其病。攻其意。○此六字原脫。依北堂書鈔百十八補。擊其疑。加其卒。致其屈。襲其規。因其不避。阻其圖。奪其慮。乘其懼。○俗本誤。今依宋本。凡從奔勿息。敵人或止於路。則慮之。凡近敵都。必有進路。退必有反慮。凡戰先則弊。後則憊。息則怠。不息亦弊。息久亦反其憊。書親絕。是謂絕顧。○俗本書作之。今依宋本。選良次兵。是謂益民之強。○民風作人。依御覽二百七十改下同。棄任節食。是謂開民之意。自古之政也。

1

1
2
3

司馬法逸文

穰苴兵法曰。五人爲伍。十伍爲隊。一軍凡二百五十隊。餘奇爲握奇。故一軍以三千七百五十人爲奇兵。隊七十有五。以爲中壘。守地六千尺。積尺得四里。以中壘四面乘之一。而得地三百步。壘內有地三頃。餘百八十步。正門爲握奇。大將軍居之。六羅五麾。金鼓府藏輜積。皆中壘外。餘八千七百五十人。隊一百七十五。分爲八陣。六陣各有千九十四人。六陣各減一人。以爲一陣之部署。舉一軍則千軍可知。凡兵者有四正四奇。或合而爲一。或離而爲八。是曰八陣。故以正合。以奇勝。○通典百四十八。御覽二百九十八。春不東征。秋不西伐。月食班師。所以省戰也。謂春不伐生。秋不伐熟。夫兵陰象也。月食則陰毀。故息戰也。○御覽二十又三百三十三引小異。

進退惟時。無曰寡人。○孫子謀攻篇注。長短經出軍篇。圍其三面。闕其一面。所以示生路也。○孫子軍爭篇注。

見敵作誓。瞻功作賞。○孫子九地篇注。長短經禁令篇注。

古者○此二字依晉書地理志補。六尺爲步。步百爲畝。畝百爲夫。夫三爲屋。屋三爲井。井十爲通。通爲匹馬。三十家。士一人。徒二人。通十爲成。成百井。三百家。革車一乘。士十人。徒二十人。十成爲終。終千井。三千家。革車十乘。士百人。徒二百人。十終爲同。同方百里。萬井。三萬家。革車百乘。士千人。徒二千人。○地官小